

MESTER STIMULA SCHOOLNAN AVANZA NA PARTICIPA MAS ACTIVAMENTE DEN CARNAVAL

Diasabra venidero eleccion di reina di Juliana School ta bay tuma lugar. Hopi entusiasmo tin na school y ta sali for di school pa otro centro nan educativo.

Personal docente y alumnonan di Juliana School kier sirbi di estimulo pa mas school di enseñanza avanza participa di e actividad aki, ya cu ora di forma comision te hasta ta dificil pa haya mas hoben pa bira miembro y traha pa organiza e actividadnan aki.

Juffrouw Mauricio ta indica cu un di e aspectonan mas importante di e temporada aki ta cu alumno y maestronan di diferente school ta bin hunto.

Mientras e maestranan ta organiza nan tin oportunidad

di papia riba diferente tema, intercambia idea riba loke a pasa durante henter un año escolar, y topa otro, kizas despues di tempo largo cu nan tin un encuentro entre maestronan.

Ademas e maestranan ta duna e alumnonan guia pa usa nan creatividad masha hopi mes mientras cu hunto cu maestro e hobennan ta traha cu mas disciplina, di manera organiza, y cu hopi respet den e preparacion di carnaval.

TURISMO Y CARNAVAL

Studentenan di Juliana School ta haya cu enberdad carnaval ta bon pa desaroyo

di nos turismo, den e sentido cu a traves di e celebracion aki e bishitantenan ta conoce un di e partinan cultural di Aruba, y por mira con pueblo ta goza y asina menciona esaki na nan pais, cerca nan famia, bisiña, coleganan di trabao, amistadnan etc., pa stimula nan bin Aruba cera conoci cu cultura y su hende. Y, logicamente, como atraccion turistico carnaval tambe ta yuda e fuente economico cu turismo ta proporciona, sigui crece.

E alumnonan ta opina cu Turismo mester worde agrega na school como parti di enseñanza unda cu carnaval, su historia y tur loke e ta nifica como cultura di Aruba y como atraccion turistico, forma parti di e materia educativo.

IDEANAN FRESCO

E balor di nos hobennan no tin limite y dentro di e preparacion di carnaval nan creatividad ta central. E material cu alumnonan di Juliana School ta usando pa traha disfraz ta cosnan cu diferente persona ta desecha. Por ehemplo corant bieu, blekki bashi (di refresco), blachi mata, entre otro.

Asina e studentenan a menciona, por cierto hopi entusiasmo, mientras cu Juffrouw Mauricio ta señala cu esaki

ta un aporte grandi di e guia na school, duna pa stimula e muchanan pa logra cosnan grandi door di cosnan chiquito, no gasta hopi placa, bin cu ideanan fresco, yuda den e desaroyo di nan creatividad via enseñanza. Diferente candidata di Juliana School a logra yega na finalista banda di candidatanan cu individual cu a gasta basta placa den nan presentacion, y esaki ta pa motivo di e creatividad y dinamismo con e evento aki ta worde organiza.

Juffrouw Campos tambe ta menciona cu ta algo masha bunita mes ora school ta organiza un actividad hunto cu alumnonan, bao guia di maestronan.

Ambos maestra ta lamenta si cu no tur school secundario ta duna nan apoyo, y nan ta kere cu mester stimula pa traha hunto y participa di carnaval un poco mas.

Alumnonan cu a participa y ta aparece riba potret ta: Rendel Petrona, Rodney Lacle, Miluska Sneek, Milanchela Quandus, Rudsella Vrolijk, Edilianne Donker, Jennifer Wever, Angelique Kelly, John Donk, Arthur Comenencia, Arjen Buikhuizen, Jessica Curiel, Jeanila Filiciana, Esther Jansen, Malayka Rasmijn, Samantha Albertsz, Tanya Faro, Sharin Rasmijn, Jason Croes, Marissa Kelly, Vicky Gomes, Kowalsky Salo-

mon, Sjurendi Granviel, Moises Jean Alberto Dumfries, Rashied Salie, Desire Dos Reis.

Seccion Hubentud den Movecion kier a gradici cabesante di Juliana School, Dolfi Kock, Juffrouw Mauricio y Juffrouw Campos, y e alumnonan di 3de A y C, pa nan valioso colaboracion y e confianza deposita den e seccion aki.

Na reverso di Schoolkaart:

ARUBUS A BOLBE INTRODUCI REGLAMENTO PA BUS ESCOLAR

Pa duna e studentenan cu ta haci uso di Schoolbus un mehor servicio y amplia e capacidad pa transporta muchanan, Arubus lo pone den circulacion busnan nobo pa cubri dicho servicio, y logicamente mester estimula nos muchanan cu ta haci uso di dje, pa cuida e bus.

Den pasado tabata tin cierto reglamento cu tabata worde agrega na e reverso di Schoolkaart pero pa motibo cu e costo di imprenta tabata sali costoso, a stop pa print'e.

Sinembargo, desde entrante Januari, e carchi di school-

bus ta contene e siguiente cinco puntonan.

- 1) Solamente un tarifa mensual tin.
- 2) Den caso di carchi perdi e mesun tarifa mensual ta valido pa un nobo.
- 3) Trata bo mes y otronan decentemente den bus
- 4) No pinta, ni destrui e asientonan den bus
- 5) Cuida bo stam y schoolkaart bon y mira pa semper bo tin tur dos cu bo.


Ta di spera cu tur mucha cu ta haci uso di Schoolbus lo tene debido cuenta cu e cinco reglanan aki, y muestra boluntad pa cuida e busnan escolar, cu al fin y al cabo ta di nan mes e ta.

PLAZA BOOK SHOP

Surtido mas grandi na Aruba. Bukinan Magazines carchi.

RAMACO

Pa constui, Repara y Verf, bo cas of apartment, Nos ta hasi tur trabao fini y ordinario di Carpinteria. Tambe nos tin sistema pa bende palo di ceda, roble y carete pa pedido. Yama nos awe mes Tel: 25157



PA GENERACION DI FUTURO



PROFAR'S EDUCATION INSTITUTE

a division of
Profar Consultancy N.V.
Het adres voor betere
studieresultaten

KIES een van onze
dynamische programma's:

KOMPLETE OPVANG NA SCHOOL

- HAVO/VWO
- > Ideaal voor kinderen van werkende ouders
 - > Dagelijkse huiswerkbegeleiding
 - > Training studiemethoden & Leertechnieken
 - > Motivatiebevordering
 - > Gezonde lunch
 - > Ontspanning

EINDEXAMEN-

TRAINING
MAVO/HAVO/VWO &
Landexamenkandidaten
VERHOOG JE KANSEN EN
SLAAG IN 1 KEER

KURSUS
STUDIEMETHODEN
& LEERTECHNIKEN
MAVO/HAVO/VWO
MAO/MTS/IPA
UA
LEER VANAF NU SNELLER,
BETER EN SLIMMER

REALISTISCH KIEZEN
> vakkenpakketkeuze
MAVO/HAVO/VWO
> studie- & beroepskeuze
psychologisch testen
en professionele begelei-
ding voor de juiste keuze

KIES voor een zeer persoon-
lijke aanpak en **BEL 27920**
Lucitta Michel-Celaire, mng.dir.
Ook buiten kantooruren.
DOE het NU!!
en..... SLAAG!!